



Broj: JN1-03-16-7-41-8/24
Sarajevo, 20.12.2024. godine

Na osnovu čl. 2., st. 2, tačka 1., 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i Zapisnika o pregledu i ocjeni ponuda broj: JN1-03-16-7-41-7/24 od 19.12.2024. godine, u postupku nabavke zakupa parking prostora za potrebe Parlamentarne skupštine Bosne i Hercegovine putem postupka izuzeća, Kolegij Sekretarijata Parlamentarne skupštine Bosne i Hercegovine, donosi:

ODLUKU O PONIŠTENJU POSTUPKA JAVNE NABAVKE

I

Poništava se postupak javne nabavke zakupa parking prostora za potrebe Parlamentarne skupštine Bosne i Hercegovine, provođen putem postupka izuzeća u skladu sa odredbom člana 10a, stav (1) tačka a) važećeg Zakona o javnim nabavkama BiH, jer je dostavljena ponuda neprihvatljiva.

II

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke zakupa parking prostora za potrebe Parlamentarne skupštine Bosne i Hercegovine, broj: JN1-03-16-7-41/24 od 06.12.2024. godine, putem postupka izuzeća u skladu sa odredbom člana 10a, stav (1) tačka a) važećeg Zakona o javnim nabavkama BiH.

Procijenjena vrijednost predmetne nabavke iznosi 84.358,97 KM bez PDV-a (98.700,00 KM sa PDV-om).

U predviđenom roku dostavljena je jedna ponuda ponuđača Shad Invest d.o.o. Sarajevo, sa ukupnom cijenom predmetne nabavke u iznosu od 98.700,00 KM sa popustom i PDV-om (84.358,97 KM bez PDV-a).

Uvidom u priloženu dokumentaciju i suštinskom provjerom sadržaja i validnosti dokumentacije, utvrđeno je da je ponuda ponuđača Shad Invest d.o.o. Sarajevo **neprihvatljiva** za Ugovorni organ, jer ne ispunjava sve uslove, odnosno zahtjeve ugovornog organa da bi učestvovao u predmetnom javnom pozivu za nabavku zakupa parking prostora za potrebe Parlamentarne skupštine BiH.

Naime, u tački 2.5. Javnog poziva za dostavljanje ponuda u postupku javne nabavke zakupa parking prostora za potrebe Parlamentarne skupštine BiH, broj: JN1-03-16-7-41-1/24 od 06.12.2024. godine, kao jedan od uslova da bi ponuđač učestvovao u predmetnoj procedure, traženo je: "Uvjerenje izdato od strane ovlaštenog organa Bosne i Hercegovine ili u bilo kojoj drugoj zemlji u cilju dokazivanja da je ispunio obaveze u vezi sa plaćanjem poreza (Uprava za indirektno oporezivanje i Poreska uprava)

a koje obuhvata direktne i indirektne poreze u skladu sa relevantnim zakonskim odredbama u Bosni i Hercegovini ili zemlji u kojoj je registrovan (Ovjerena kopija uvjerenja ne starija od 3 (tri) mjeseca u momentu dostavljanja ponude iz kojeg se vidi da su porezi plaćeni u zadnja 3 mjeseca)."

Uvidom u ponudu ponuđača utvrđeno je da je u istoj dostavljeno Uvjerenje Porezne ispostave Centar, broj: 13-9/2-12-5-3971/24 ABB od 29.08.2024. godine. Imajući u vidu da je ponuda ponuđača Shad Invest d.o.o. Sarajevo blagovremeno zaprimljena dana 17.12.2024. godine, evidentno je da je predmetno Uvjerenje starije od 3 (tri) mjeseca u momentu dostavljanja ponude, kako je to traženo u tekstu Javnog poziva.

Imajući u vidu da dostavljena ponuda ne ispunjava sve uslove, odnosno zahtjeve ugovornog organa da bi učestvovao u predmetnom javnom pozivu za nabavku zakupa parking prostora za potrebe Parlamentarne skupštine BiH, ista se shodno odredbi člana 2., st. 2, tačka 1 Zakona o javnim nabavkama ("Službeni glasnik BiH" broj 39/14, 59/22 i 50/24), smatra neprihvatljivom, tj. ne ispunjava kriterije za kvalifikaciju privrednog subjekta, te je odlučeno kao u dispozitivu Odluke.

Dostavljeno:

- Shad Invest d.o.o. Sarajevo, ul. Vrbanja br. 1
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Dražen Mustapić _____